



O‘ZBEKISTON RESPUBLIKASI XORAZM VILOYATI BOG‘OT TUMANI HOKIMINING FARMOYISHI

Bog‘ot shaharchasi, O‘zbekiston ko‘chasi, 18-uy

2021 -yil 11 -fevral

18 ф -son

Bog‘ot shaharchasi

Туман маҳаллаларини ижтимоий-иқтисодий ривожлантиришдаги камчилик ва тўсиқларини бартараф қилиш, маҳаллалардаги камбағал оилаларнинг ишсиз аъзоларини ишга жойлаштириш, аёллар ва ёшлар дафтарига киритилган ишсизлар бандлигини таъминлаш, маҳаллалардаги етишмаётган хизмат кўрсатиш турларини жорий қилиш юзасидан таклифлар ишлаб чиқиш ва аҳолининг турмуш тарзини яхшилаш;

Ўзбекистон Республикаси Президентининг 2021 йил 4-5 февраль кунлари Фарғона вилоятига қилган ташрифи давомида берилган топшириқларни ижросини таъминлаш, шунингдек Ўзбекистон Республикаси Иқтисодий тараққиёт ва камбағалликни қисқартириш вазирлиги Ж.А.Қўчқоров томонидан “Маҳаллабай” ишлаш тизимини жорий этиш бўйича берган таклифларини инобатга олган ҳолда:

1. Ўзбекистон Республикаси Иқтисодий тараққиёт ва камбағалликни қисқартириш вазирлиги Ж.А.Қўчқоров томонидан “Маҳаллабай” ишлаш тизимини жорий этиш бўйича берган таклифлари раҳбарлик ва ижро этиш учун қабул қилинсин.

2. Маҳаллабай ишлаш бўйича янги тизимни йўлга қўйиш мақсадида тумандаги ҳар бир маҳаллага бир нафардан иқтисодий комплексдан доимий ишловчи бириктирилган вакиллар таркиби 1-иловага мувофиқ;

- Маҳаллабай ишлаш бўйича янги тизимни йўлга қўйиш мақсадида тумандаги ҳар бир секторда фаолият юритувчи “Бошқарув офиси” таркиби 2-иловага мувофиқ;

- Секторларда ишловчи “Бошқарув офиси” томонидан берилган маълумотларни умумлаштирувчи ҳамда ижрога қаратувчи “Мувофиқлаштирувчи” ишчи гуруҳ таркиби 3-иловага мувофиқ тасдиқлансин.

3. Маҳаллаларга тумандаги корхона ва ташкилотларининг ходимлари тегишли буйруқлар асосида иш жойи сақланган ҳолда бириктирилиши таъминлансин.

Буйруқда бириктирилган ходимлар лавозимидан озод қилинган тақдирда, вазифалар янги тайинланган ходимга юклатилиши ва 2 кун ичида маҳалла раисига ёзма равишда хабардор қилиши белгилаб қўйилсин.

4. Бириктирилган ишчи гуруҳ аъзоларининг асосий вазифалари этиб қуйидагилар белгилансин:

маҳаллаларни ижтимоий-иқтисодий ривожлантириш ҳамда маҳаллалардаги мавжуд саноат маҳсулотлари ишлаб чиқариш, хизмат кўрсатиш объектларини узлуксиз фаолият кўрсатишини таъминлаш;

маҳаллаларни ижтимоий-иқтисодий ривожлантиришдаги камчилик ва тўсиқларни бартараф қилиш;

маҳаллалардаги камбағал оилаларнинг ишсиз аъзоларини ишга жойлаштиришни таъминлаш;

аёллар ва ёшлар дафтарига киритилган ишсизлар бандлигини таъминлаш;

маҳаллалардаги етишмаётган хизмат кўрсатиш турларини жорий қилиш юзасидан таклифлар ишлаб чиқиш.

5. Маҳаллаларга бириктирилган масъуллар амалга оширилаётган ишлар тўғрисидаги маълумотларни “Бошқарув офиси”га ахборот бериб борсин.

6. “Бошқарув офиси” умумлаштирилган маълумотлар асосида ўзига бириктирилган ҳар бир маҳалаларнинг ижтимоий-иқтисодий ривожлантириш дастурларини ишлаб чиқиб, туман мувофиқлаштирувчи ишчи гуруҳга ҳар ҳафта якуни бўйича ахборотларни тақдим этиб борсин.

7. Туман мувофиқлаштирувчи ишчи гуруҳ тасдиқланган ҳар бир маҳалланинг ижтимоий-иқтисодий ривожлантириш дастурларини халқ депутатлари туман кенгашига кўриб чиқиш учун тақдим этади ҳамда ҳар ойда бир марта амалга оширилаётган ишлар натижадорлиги тўғрисида ҳисобот бериб бориши белгилаб қўйилсин.

Ҳисобот бериб бориш графиги 4-иловага мувофиқ тасдиқлансин.

8. Туман штаби (С.Қурбонов) сектор раҳбарлари билан биргаликда ҳудудларга бириктирилган масъуллар томонидан маҳаллалар аҳолисининг турмуш тарзини яхшилаш бўйича амалга оширилаётган ишларни мониторингини юритиш ҳамда ишчи гуруҳи таркибидаги корхона ва ташкилотлар ходимлари кўрсатилган муддатда маҳаллаларда фаолият кўрсатишини таъминласинлар.

9. Ушбу фармойиш ижросини назорат қилишни ўз зиммамда қолдираман.

**Боғот тумани ҳокими
вазифасини бажарувчи**



Ш.Яхшибаев